



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ 11. Quod nullus Abbatis consensus ex prætenso illo Spirensi processu
Monasterio obijci aut officere poßit.

urn:nbn:de:hbz:466:1-14268

Siquidem status Imperij esse non potest, qui non immediate stat sub Imperio, aut qui in alio statu confusus, subiectus, ac quodammodo extintus est, quasi gradum, ordinem nomenque perdens per subiectionem; status enim ille est, qui suo proprio capite, ac per se ius habet standi in Imperio, membrumque facit in ordinibus, consilio, Comitijs &c.

Cæterum, nouum non est duos, aut plures status à se inuicem independentes, quoad quid, per societatem coniungi, remanere tamen in independentia, quoad iurisdictionem, autoritatem, statusque essentiam velut inter alios, in Helvetiorum statu, alijsque similibus exempla docent, vbi diversæ Republicæ sibi inuicem nullatenus subditæ, sed suo unaquaque statu consistens, habent ex fœderibus pactisque inter se initis diuersa communia ac coniuncta, Arcam, pecuniam, domania, neque ideo in vnum confunduntur statum, aut unus alteri subiicitur, quemadmodum à Ioanne Bodino tractatur lib. 1. de Repub. cap. 7.

Cuius rei hanc dat rationem, Quia, inquit, ordines communes, dominium commune, Comitia communia, Amici aut Inimici communes, non efficiunt ut status sit communis, etiam si esset bursa quarūdam pecuniarum communū, verum id quod statum communem efficit, est potestas suprema, ius ac legem dandi quisque suis subditis, vti in casu simili, si plura familiarum capita societatem omnium bonorum coiuissent, non ideo unam eandemque familiam constituerent, hæc ille.

Ita ut nihil sit incongrui quoad quandam societatem (quam libero statui liberum semper est deserere & soluere, ac eidem renuntiare) coniungi non tam ē subiici, vti hic in causa exemptionis, quoad collectas imperio præstandas.

Præterea notandum est in eadem constitutione eodem §. vnd als 1., in casu illius tractato, scilicet cum Imperij status aliquis consentit, sc ab alio statu quoad collectas sive contributiones soluendas eximi, notandum, inquam, est, quod si contributio status exempti non soluatur ab Eximente, potest Fiscus contra exemptum immediatè solutionem prosequi, vnde sequitur immediatum erga Imperium contributionum debitum immediatamque exigendi potestarem in illos exemptos retineri, non obstante Eximentis Exemptique nomine sive qualitate.

Quæ omnia ex abundanti hic deducuntur, vt eo clarius undeque apparet debile Archiepiscopi erga Maximinianos fulcrum, quamvis istis cessantibus aliunde plus satis, diuersis ex causis rationibusque subuertatur, denique ex eodem abundantι diuersa alia hic tractare pergemus, ac inter illa.

S. II. *Quod nullus Abbatis consensus ex prætenso illo Spirensi processu Monasterio obiici aut officere posset.*

EX eo, quod in processu Spirensi Archiepiscopus simul & Abbas reperiantur in actis, scripturis, exceptionibus simul contra Fiscum coniuncti: quasi Abbas ipse Archiepiscopo annuat, & contra Fiscum suam immediationem sub Imperio recusat; emergere posset hæc cogitatio, quod saltem Abbas consenserit in Archiepiscopi subiectionem.

Verum si ita esset, tunc sanè Abbas, aut quisquis illius, aut Monasterij nomen induit, de Monasterij causa prævaricatus esset, iura, statumq; illius profligasset, perdidisset. l. prævaricatores 212 ff. de verb. signif. l. 1. ff. de prævaricat.

Atque etiam insigniter colluisset, vt enim collusio lulus sit inter duos, vt ait Gothof. in rubrica ff. de collus. detegenda. hic sanè splendida peræcta esset fabula.

In istud consenserit contra id, quod tantis animis, tanto labore, studio, sollicitudine, à Monasterio ab omnibus retro sacerulis defensum, actum, probatum, per ius ac iustitiam euictum, obtentum, adiudicatum fuit? quæ ista rerum perditio, proditio fuerit?

Atqui Prælatus, aut quilibet alius, siue gestor, siue procurator, cum prævaricatus est, nunquam nocet Ecclesiæ. Socin. regula 17. Card. Tusch. verb. Prælatus, concl. 503. n. 9.

Neque magis nocet, aut valere potest illa sententia, dum collusio intercessit, tot. tit. ff de collus. de teg.

Immo neque dum nuda Prælati contumacia interuenit. Praes Faber Cod. Fabriano, lib. 7 tit. 22. quib. res iudic. non nocet, defin. 11. cuius verba hinc adscribere non abs re fuerit.

Sententia, inquit, contra Prælatum lata nocet Successori, ijsdem queremedyis opus est ad rescindendam iudicati autoritatem, quibus opus esset, si is ipse Prælatus viueret qui condemnatus esset, sed hoc ita si non per Prælati contumaciam aut collusionem indicatum sit, his enim casibus saluam successoris defensionem esse conuenit, adeo, ut etiam si Senatus-consulto decisa res fuerit, non indigeat successor ciuiti supplicacione, nimtrum fauore Ecclesiæ, cui nocere improbi Prælatti contumaciam aut collusionem non oportet, quominus ex integro de partium iure cognoscatur. hæc ille.

§. 12. Quòd allegatio talis consensus manifestet, quòd nec Abbas, nec Monasterium in illa lite adfuerint, uti neque de facto adfuerunt, ac proinde quòd quidquid in ea agi, dici, ac Iudicari potuerit, Monasterio obesse nequeat.

VT iste similis consensus, aut talium Abbatis propositionum allegationes, contra Monasterij essentialē statum, non solum rationi, sed & simplici naturali sensui manifestè repugnat: ita & eidem sensui ac rationi primo intuitu ingeritur fieri non potuisse, vt vllus à Monasterij parte, isti liti, in quæ talia proponebantur interfuerit, ac proinde quòd nihil illorum, quæ agi, quaque fieri potuerunt, siue in medijs, siue in extremo, siue in allegationibus, siue in iudicatione, per quæcunque actitata, per sententiam vllam, qualem qualem esse obtendere velis, Monasterio obesse aut præiudicare potuerit. tot. tit. C. quib. res iudic. non nocet. l. licet 24. Cod. de Procuratorib.

Ac quod de facto res ita se habeat, respice processus acta, videbis nullum ad hanc causam à Monasterio, vel ab Abbatе constitutum fuisse Procuratorem, nullam pro illius iurium conseruatione defensionem esse propositam, tantummodo in extremo processus fine, causæque conclusione obtrusum fuisse illum, de quo supra narratio facta est, procuratorem, qui sub prætextu generalis mandati ob alia negotia dati, in hac adeo momentosa causa comparuit, ad hoc ipsum, vt potestatis suæ defectum indicaret, neque de defensione, de rebus ad merita causæ Maximianæ pertinentibus verbum protulit.

Sed Archiepiscopus ille, qui cùm Archiepiscopus esset simul & Abbas, per Commendam, omnia molitus est, dixit, fecit, quæ Monasterij statum diruerent, quamvis illorum, quæ in illo processu dixit, contraria omnia ante dixerat Imperatoriæ Maiestati Imperioque.

Cætera ad hoc propositum latius deducta in narratione, voti refutationem

præ